

YUMI

Yumik shiig ímanai iwasá pujutan sukagtau asa, aantsag iina pujutainashkam, kuntin, ájak ashi iwaku batsamin áidau, atsawai tikish yumia betekak. Yumik abuechawai, tujash shiig anentaimsa takashmak abuwai nuniau asa juu nugkanmak yumik akikai. Yumí najanetaiya nunú kuwitamka takamak yumik amuumaitsui, jujui dakumkamunum shiig wainnawai wajuk yumish najaneawa, jui iwainawai wajuk yujagkim najaneawa nayantsanmaya yumi, kuchanmayashkam, antsag ajak, ikam áidaushkam yumin mayai najana ajapamu yumi najaneawai. Antsagke muja bíchaim ajapamushkam najanenawai yumi, dasee ubushkam yaki yujagkim najanea

kakegak. Jujú yumi mujanum ayaa nuka entsa najaneawag pakajin tainak intaniak namak muun najaneawai, alto mayu namak Narajillo najanea nunik, juu iyakui Mayunum, aintsan Mayu iyakui Huallaga, Huallaga iyakui Majanu, Majanu iyakui muun namaknum Kanus (Amazonas), Kanus (Amazonas) iyakui nayantsanum. Antsag yumi yutug kakegashkam initak yumi najaneawai, nuniak ajaknaskam pujutan sunai. Nuigtushkam juu Alto Mayunmak muja ainanuik yumik yujakim najanea awai, ikam au asa jutinashkam pujutan sukagtawai ashi iwaku batsamin áidautin, nuniak ikamnashkam. Nuniau asantai ikam kuwitamsa takamainai namak kuyukai tusa.




Ilustración 1. El Ciclo del Agua

Fuente: http://www.aguascordobesas.com.ar/Media/Default/Images/El_ciclo_del_agua.jpg

Yumi Takamu

Yumi Takamuk shiig kuashtai juju ain-awai: ajak ajamunum, yumi tagkuma jii ekemamum(Hidroelectrica) yumi tagkuma juti umamu, mamayak egaka yuwatatamaunum, nuniashkush mamayak tagkumaunum, iman asa yumik akikai nuniau asamtai yumik kuitamainai ikamchakam entsa kuyukai tusa.

Yumi pegkeji

• Yumik shiig pegkejai juju nugkanmak iwasa pujutan sukagtau asa, tikichik imanuk atsawai juu pujutnumak.

• Yumi shiig amuemait sui tamash, ikam kuitamchamak abuemainai nuniak waittan amawai, ajak shiig ajakmamainchau, yumi pegken uwaja pujumainchau antsag jatanashkam.

Nuigtushkam:

- Namaká nujinchin batsamin aídauk ditak takainakun utugchatan suwawai tsumijun bat-satun, nuniau asamtai ijuntuja shiig jetemjusa chichasa takamainai, dutika takam yumik tuke ajutjamtaui.
- Yumik ashíí jutinui, nuniamu aigki tagkuma juki makimakichik umamunum bakishkinua nunin wantinui, ashii aentsdau ainaitak.



Bibliografía (Juu chichawai):

Peter Van der Zaag, 2008. Introducción a la Gestión Integrada de Recursos Hídricos. Módulo 1: "Gestión Integrada de los Recursos Hídricos: Principios, conceptos, enfoques y estrategias en el contexto peruano e internacional". Cap. 1. Wageningen University, IHE – UNESCO, IPROGA. Lima. Perú